

秦安縣志

第一冊

卷之首

各序

輿地

卷之二

建置

卷之三

學校

姓氏

星野

附古蹟
塚墓

氣候

疆域

目錄

風俗

道光十八年纂

秦安縣志

板存禮房

序

志亦史也所以信今而傳後
也秦邑舊志失攷城池疆
域人物山川散見於州志中
未能詳也西江漢唐先生
素宰是邑百廢俱舉文
序一

然所在尤如素為恨一邑事
蹟愈久而愈失其真也因
旁採新編鈔錄以茲與
夫耆舊所流傳萃為一
集書甫成而漢唐調任山
丹因囑序於余。竊維火

藝三長非優於才學淺者
不能作之非優於才學淺
者不能述余素不文且甫
接篆任事諸公蠅集幾
無操觚之暇惟即乞出以
由始聊書數言弁於簡
序二

端以俟後之君子徵文考
然續輯於不朽云
道光十八年歲次戊戌長
至日署秦安縣事中州

張梯書



重修秦安縣志序

史有三長尙矣顧史才不世出而史書代有成編則以載
筆之職不容曠也縣志爲一邑之史其可以付殘缺乎秦
安自有明胡公可泉修志迄今三百年無嗣音其間天時
人事之變遷湮沒不傳者多矣宦乙未莅任欲修未果明
年同年劉德熙自江右來甘因以囑之劉子親履山川引
證經史閱一年成書其體例倣舊而稍增其於疆域沿革
有足補舊志所未逮者惟是文獻無徵闕疑不少姑俟博
雅之士補其殘缺是載筆者不得已之苦衷也若謂兼三

秦安縣志

序

長而附作者之林劉子謙讓未遑云

道光十八年孟冬月知秦安縣事江右嚴長宦撰

秦安縣志纂修姓名

總修

甘肅秦安縣知縣加同知銜嚴長宦 零都人壬午進士

協修

甘肅秦安縣儒學訓導左 詹 寧州人歲貢

總纂

前 翰 林 院 庶 吉 士 劉 德 熙 長寧人癸巳進士

協纂

原任廣西永福縣知縣前翰林院庶吉士張思誠 本縣人己巳進士

秦安縣志

姓名

分校

新選陝西長安縣儒學教諭蒲生新 本縣人庚寅舉人

縣學生

張世塏

採訪

縣學生

汪呈圖

李承霍

孫 志

徐獻琛

督刊 秦 安 縣 典 史 吳 承 愷

秦安縣志目錄

卷一輿地

星野 疆域
氣候 風俗

卷二建置

附古蹟 塚墓

卷三學校

卷四食貨

附水利 物產

卷五武備

歷代戎事附

卷六官師

名宦傳

卷七選舉

卷八人物 上

秦安縣志

目錄

卷九人物 中

卷十人物 下 列女

卷十一藝文 上

卷十二藝文 中

卷十三藝文 下

卷十四圖考 補遺



輿地第一

星野

鶉首之次東井分

按史記天官書東井輿鬼雍州唐書天文志東井居兩河之陰自山河上流當地絡之西北輿鬼居兩河之陽自漢中東盡華陽與鶉火相接當地絡之東南據此則秦安爲東井之分明白無疑而舊志援晉書所載陳卓之說謂爲管室分野不知其不足據也星野之可據者

秦安縣志

卷一

莫如太史公與僧一行史記以天街南北分占夷夏一行亦以爲山河之象存乎兩戒北戒爲胡門南戒爲越門史記以隴蜀爲中國山河維首勃碣爲尾一行亦以爲雲漢起於箕尾分爲二道合於天津沒於天稷其言皆相脗合是故仰觀垣野而精氣下屬於地俯察山河而脈絡上昭於天其義至精其論至確歷稽諸史及古今天官家言未有能易之者也晉書自東井十六度至柳八度爲鶉首於辰在未秦之分野旣與諸書不異陳卓亦明云管室東壁衛弁州東井輿鬼秦雍州

國所六則二州互易其分此直傳寫之誤耳奚足以爲
典要乎故特辨而更之以符九州分星之定界而入度
之淺深多寡則姑存而不論云

疆域 附形勝

治在州北八十里袤一百里北廣一百八十里南廣一百
里東至清水縣界六十里西至鞏昌府伏羌縣界四十里
南至秦州界二十里北至平涼府靜寧州界八十里東南
至清水縣界四十里西南至秦州界四十里東北至靜寧
州界一百四十里西北至鞏昌府通渭縣界一百二十里
秦安縣志

卷一

距布政司五百六十里距

京師三千七百里舊志云四山旋拱二水環流又云渭水
臨其南隴水湧其北大隴雄於東朱圉望於西

山川

環縣皆山隴水貫其中水東之山皆隴山之支最北者白
圭山出稍南出喬子山又南出白駝山又南出黑山圭山
屬華亭餘三山並屬清水黑山則縣治圭山而新陽崖其
盡處也水西之山皆出皋山皋山舊屬縣今屬通渭其支
在顯親川東北者盡故顯親縣治西南盡單于山單于山

陽崖對峙隴水之上縣山川以此爲肩錦焉茲各
其方位遠近次於篇

治東百餘步爲廟山上有太平堡有東嶽廟三清殿玉皇
殿雷祖殿元武閣又有蓬萊閣知縣蔣允焄建前知縣牛運震記今廢少北

爲七星嶺 四十里爲高峯迤南爲中嶺爲三臺山東北
爲十八盤皆三十里六十里爲四顧山以其高出羣山眺望

甚遠故名下爲簸箕平迤東爲雙塔山有雙塔寺久廢迤北
爲九龍山山半有九龍潭以亭前爲九龍廟歲旱禱

雨輒應 廟山南二里爲長山武經總要亦曰長山迤南
秦安縣志 卷一 三

爲可泉七里有可泉寺明胡中丞讀書處有聖母廟迤西爲
花山爲新陽崖崖有五峯亦稱五峯山下有墩枕俗

稱印臺十五里迤東爲龍湫十里禱雨亦應有龍泉寺明張司
寇讀書處爲第七溝十五里爲赤龍山四十里爲林夾峽七十里

廟山北二十里爲壺山亦曰北辰山縣治負焉迤南爲
寺溝有古廟久廢迤北爲紅崖三十里有雙樹廟爲五女峯有

元武廟迤東北爲錦帶山皆四十里下爲錦帶峽有錦帶寺此
皆黑山之支也白駝山之支爲隴城南山下爲西番平有

西番寺舊有太白廟久廢迤東南爲藍砌溝九十里爲剪子峪百

百頃原十里一喬子山之支為斷山百里二山當隴口之

然中止不與眾山聯屬有路焉徑隴州以達關中下為斷

山鎮知縣蔣允焄更名龍山鎮迤西為連合川云山斷而川連也有涼

颺閣宋元祐時建久廢有記亦久佚主山之支為三茅堆百四有泰山

廟唐天寶八年勅修久廢迤西為野稷山下為野稷渠百二為高妙

山百一下為高妙溝迤西北為丹麻峪有丹麻驛故址有

觀音院百三迤西為隴城北山九有北山寺有女媧廟

故址乾隆初毀於水舊志謂廟建於漢以前不知何據水經注不言建祠年代其所云北山則為今縣北三十

里之陽極山與此無涉迤西為七星峯七十迤南為野戰坡九十漢

秦安縣志 卷一 四

來歙襲隗囂與囂戰處有白崖寺迤北為卧馬關百二迤

西南為蓮花臺山六十有蓮花臺故址今為雷祖廟

西三里為夕山以夕照掩映得名又以其形如蓋名寶蓋

山迤南為單于山 三十里為墨土岡俗稱雲霧山有元

武廟下為撇鉢溝有撇鉢寺迤北為東龍峪為觀耳峽皆

十里為花玉溝十有永寧橋廢有古關遺址佚其名四十里

為雲臺山亦有元武廟迤東為曜紫嶺三十為磨山三十

有馬頰關遺址下為馬頰溝亦曰關門溝為黑龍山二

下為禾稼平有仄駕寺皆十此皆在顯親川南者也北為

八龍山六十里山有八阜迴合如龍迤東爲紫原坡七十里

人掘土煮鹽以佐食而鹽亦不廣迤東南爲四癸山迤西

爲神仙嶺四十里嶺長六十里有路焉徑通渭以達於省迤

西北爲牛駱山百二十里南爲小神仙嶺五十里其長亞神仙嶺

而勢若盆馳迤西爲水夾峽爲龍柏峽七十里有龍柏寺又

西爲珂壩山九十里迤西北爲六舅山此皆在顯親川西者

也東爲隴坡灘爲梨樹巖爲小長安嶺皆八十里宋置長安砦

於此見通志迤南爲陽極山三十里有女媧祠見水經注其下

爲符川

秦安縣志

卷一

隴水四支北爲瓦亭水稍南爲受渠亭水又南爲水洛亭

水又南爲略陽川水瓦亭三水皆滙縣境略陽川則經行

縣境而與三水合而出新陽崖者也縣中諸水皆入於此

不入此者惟鷄川水耳

略陽川源出華亭主山西流爲清水鄧川亦名甜頭川又

西爲三旬川入縣境又西徑龍山鎮北鎮有城嘉慶五年築又西爲

子溝水出喬子山徑木合溝來注所謂連合川也又西松

樹鎮水自南注之又西卧龍川水注之又西石版川水自

北來會水亦源於主山西南流徑褒嘉寺入縣境又西南

石原川野稷渠水自東高妙溝水自北注之又西南與蓮
合川會自是通稱略陽川川水又西徑馬家河北百頃原
水自南注之又西徑張家灣南張侍郎故居北剪子峪水
自南注之又西得魏溝封溝二水益自南來注又西徑隴
城鎮北宋砦元縣明以來巡檢司也川水南侵鎮城半爲
所毀道光十七年知縣嚴長宦督令鎮人還歸故道城東有一
砦俗稱新城而以此爲舊城蓋宋元之舊非魏周之舊矣
魏周時有隴城略陽城唐寶應中毀於吐蕃其遺址皆久
不復存藍砌溝水自南繞城來注或云卽水經注溇渠水川
水又西徑西番平北常家溝水西北注之又西得薛李川

秦安縣志

卷一

水水源出黑山徑王家河蘓家峽西北流注之又西徑大
城廟麻家溝袁家溝水迭注之又西徑馬駱川北魚尾溝
水自北宋臺溝馮家溝劉家溝三水自南迭注之又西徑
鄭河北福祥溝水北流注之又西徑蓮花鎮城東羅泉水
注之又西徑蓮花鎮塘西入莊浪境與水洛亭水合有徐
家城小堡也或以爲顯親故縣者非又西徑入靜寧境與瓦亭受
渠亭水合是爲合河口隴水於是悉滙矣又西南復入縣
境歷寶塔峽錦帶峽顯石峽皆水經注之顯親峽也峽長
一十里西北舊嘗建塔東復倚錦帶山故異名焉顯石卽

之北耳川水又西南歷符川一水出陽林山

之水經注石宕水出北山山上有女媧祠即此城或以為

非南為玉鐘峽相傳舊有石隄水上臂如玉形如鐘故

川水又南徑顯親縣故城東南城淪於水僅存西址其西

復存者蓋與略陽隴城同毀於陷吐蕃時惟顯親前已不為縣故積垣一角轉得留遺至今耳

自西來會又南入鎖峽峽東一水注之即水經注太華谷

水也川水出峽南流受咸水溝水又南東龍峪水自西注

之即水經注拆里溪水水源出通渭青泥溝東南流徑胥

家平又東南徑觀耳峽沿峽居人引水種稻水田之盛縣僅見也又東入於川

秦安縣志 卷一

川水又南徑縣治西南東川水自東注之即水經注六谷

水水源出林夾峽西流徑臘家城東南合第七溝水又西

徑迎恩寺又西入於川川水又東南徑花山西又東南徑

單于山北又東南入佛耳峽即水經注新陽峽也謂之新

陽崖水又東南徑秦州三陽川入於渭

始川水受咸水後迤西徑東龍峪口循山趾而南徑鐵

嘴崖稍折而東乃循東川口岸趾南流勢極環抱水患

亦少後屢衝決遷徙靡常乾隆末盡毀西濠隄岸直齋

城根城岌岌有淪胥之恐嘉慶十一年後始漸西徙

然距西山趾故道猶一里有奇也隴水本善瀆加山
開壑每雨則四山之土泥沙石交下壅閼之又東以六
七十里之峽厚蓄其忿怒故悍兵狂暴之勢出峽卽不
可復遏計惟起峽口訖東川口築隄十里庶足以弭其
患然隄之在南者須水復故道乃可築其在北者則當
及今築之何也制惡當於其初隄峽口是制其悍兵狂
暴之初也制其悍兵狂暴之初則悍兵狂暴之勢必將
漸殺而不復大肆其決裂故北堤視南隄尤要且治渠
必先築隄隴水逞其怒於峽口勢將無所不衝突其不

能容渠之演漾於旁也明矣治渠而不圖所以保護之
渠雖成必廢今故渠水墜已盡非障川流而使之西更
無可置渠之處則需堤之急殆十倍於治故渠時故北
堤不能與南隄並待水道之復也然北隄成則水之復
故道亦易水復故道則數十年內亦必無大患計其時
接築南隄當從容有餘力異於今之工多而日不暇給
也顧利害之所關實大且急今雖勞亦烏容已哉隄工

口爲雷文當鏤鍊聯戶石以堅之餘則層土層俄使高五
尺頂寬六尺趾寬十尺一一堅實爲宜北隄苦之餘地
宜於險要處建磯嘴二道餘坦坡宜實宜寬他日接築
南隄接口及東川口亦宜各建土壩一道沿隄皆宜

波僅透樹根而止如是則城郭宮室田疇溝澮世世感
賴無
數矣

顯親川 俗稱陽元川 源出皋山之麓環麓平地數畝泉數十道

沸其中混如淵海曰海子川南徑興隆鎮入縣境又南徑

魏家店曰神川又南徑楊家關曰儼閣川又南徑姬家峽

八龍溝水自西注之又南徑朱家峽高家峽鷄喙坡業鹽

坡二水自東注之又南曰元川又西南徑槐樹廟東 實無廟也

有二古槐高百尺而無枝道光 十六年里人建文昌閣其上 又南郭嘉鎮水來會水二

源皆出神仙嶺東南流一徑鎮東南一徑鎮西南徑西南

秦安縣志 卷一 九

者又得竹林峪水夾峽車駕坪召駕灣潑龍湫水合流而

東與徑東南者會水至是始與顯親亞又東徑寺嘴東得

馬頰溝水又東會於顯親川川西有四泉曰暖泉曰陽泉

曰蝶泉曰時泉相去十餘里皆冬温而夏涼川水又東徑

成紀故縣南 周隋時縣 又東徑顯親故縣南 漢侯國魏晉以後縣 東入於

隴

水經注載縣水之入隴者不遺涓滴獨不載顯親川顯

親源流百里不應反見遺而其所載安夷川又苦無水

以應之嘗細尋上下文義乃知安夷川卽顯親川特

寫...
上云九亭水西南徑顯親縣故城亭水

顯然以東易西則地望水脈與文義一一符合其不日

顯親而曰安夷者亦由顯親嘗併安夷川名因以移易

耳顧魏志雖有真君八年顯親併安夷之事而所載各

州郡下益無安夷其名此注外亦不見於他書今不能

考其城郭遺址之所在矣

雞川源出通渭禪牧山即水經注牛谷水也俗亦稱牛駱川南流

徑碧玉關一水自神仙嶺西北流注之又南為蓼中川神

泊川又南徑雞川城西為雞川宋砦元縣明為鎮久廢又南入伏羌

秦安縣志 卷一

境為安遠川又南入於渭

明史地理志秦安東有隴山東北有九亭山有松多川

按縣東諸山皆支於隴而隴山實不在縣境九亭在固

原松多在清水尤與縣無涉原其誤皆由舊志以隴城

為隴縣故耳今不載外尚有鷄鳴山見宋史當在鷄川左

右今無可考

氣候

漢置涼州以其地處西偏常寒涼也邑境於漢涼州治為

近今雖不甚寒然寒恒早燠恒遲百穀草木之成亦視他